

OPĆINA NOVI GRAD SARAJEVO

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", br. 7/05), i člana 37. Statuta Općine Novi Grad Sarajevo ("Službene novine Kantona Sarajevo" br. 30/09 - Prečišćeni tekst), Općinski načelnik, dana 06.03.2014. godine, verificovao je i donio

ODLUKU

O KOREKCIJI REGULACIONOG PLANA "DONJE
TELALOVO POLJE"

Logističko željeznički terminal

Član 1.

Usvaja se korekcija Regulacionog plana "Donje Telalovo polje" ("Službene novine Kantona Sarajevo", br. 18/05), u daljem tekstu: Korekcija Plana.

Član 2.

Korekcijom Plana stvaraju se planski preduvjeti za izgradnju logističko željezničkog terminala, na zemljištu označenom kao k.č. 1497, 1498, 1496, 1495, 1494, 1493, 1492, 1491, 1490, 1489, 1488, 1487, 1499, dio 1500, dio 1501, dio 1502 i dio 4120 k.o. Novo Sarajevo IV prema novom premjeru, a prema sljedećim urbanističko-tehničkim uslovima, na osnovu akta JP Željeznice Federacije BiH broj 1-57026/13 od 27.11.2013. g., odnosno na način:

- objekat logističko željezničkog terminala, je spratnosti prizemlje (P)
- max građevinska linija objekta iznosi 100 m x 40,0 m, a ucrtana je na način kako je prikazano u grafičkim priložima br. 2, 3 i 4.
- Namjena planiranog objekta je logističko željeznički terminal
- Regulaciona linija odnosno građevinska parcela objekta je uređena na način kako je prikazano u grafičkim priložima br. 2, 3 i 4.
- Objekat logističko željezničkog terminala mora ispoštovati sve tehničke standarde, odnosno sigurnosno tehničke mjere, i mjere zaštite od požara i eksplozije, koje

su zakonom propisane za ovu vrstu objekata, kao i sve zakonom propisane uslove zaštite prirodne sredine i okoliša.

Član 3.

Izradom ove korekcije došlo je do promjena regulacionih i građevinskih linija na planiranim parcelama 2, 3 i 4 i na dijelu pristupne saobraćajnice što je prikazano na grafičkim priložima 2, 3 i 5.

Član 4.

Korekcija Plana sastoji se iz tekstualnog dijela i grafičkog priloga. Tekstualni dio i grafički prilog Korekcije Plana su sastavni dio Regulacionog plana "Donje Telalovo polje" ("Službene novine Kantona Sarajevo", br. 18/05).

Član 5.

Korekcija Plana je radena za fazu urbanizma, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "Donje Telalovo polje", te pribavi saglasnost nadležnih javnih komunalnih preduzeća.

Član 6.


Po jedan primjerak ovjerene Korekcije Plana (tekstualni dio i grafički prilog) nalazi se na stalnom javnom uvidu i čuva se u Službi za urbanizam, imovinsko-pravne, geodetske poslove i katastar nekretnina Općine Novi Grad Sarajevo, Zavodu za planiranje razvoja Kantona Sarajevo i Ministarstvu prostornog uređenja i zaštite okoliša Kantona Sarajevo.


Član 7.

Ova Odluka stupa na snagu narednog dana od dana objavljivanja na oglasnoj ploči Općine Novi Grad, a naknadno će se objaviti u "Službenim novinama Kantona Sarajevo".

Broj 02-05-16036/13-7
06. marta 2014. godine

Općinski načelnik
Mr. **Semir Efendić**, s. r.





IN-1-ARHIVA-ZAVRSENI-POSLOVI-4-NOVI-GRAD-USV